

**ERABAKIA, 2018ko abenduaren 10ekoa, Unibasq Euskal Unibertsitate Sistemaren Kalitate Agentziaren Gobernu Kontseiluarena, zeinaren bidez lan-kontratua duten Universidad del Pais Vasco/Euskal Herriko Unibertsitateko (aurrerantzean UPV/EHU) irakasleen ikerketa-jarduera ebaluatzeko prozedura eta eskaerak aurkezteko epea ezartzekoa argitara ematen da.**

Unibertsitateei buruzko 2001eko abenduaren 21eko 6/2001 Lege Organikoak 55. artikuluan ezartzen du autonomia-erkidegoek arautuko dutela unibertsitate publikoek kontratatzen dituzten irakasleen eta ikertzaileen ordainsari-araubidea, eta ordainsari osagarriak ezarri ahal izango dituztela banakako merezimenduengatik, hain zuzen ere eginkizun hauengatik: irakaskuntza-jarduera eta -arduraldia, irakaskuntzarako prestakuntza, ikerketa, garapen teknologikoa, ezagutzaren transferentzia eta kudeaketa.

Euskal Unibertsitate Sistemari buruzko 2004ko otsailaren 25eko 3/2004 Legeak 34. artikuluan ezartzen du Eusko Jaurlaritzak unibertsitateko irakasleen kidegoei orokorrean dagozkien antzeko osagarriak ezar ditzakeela, bai zenbatekoari bai baldintzei dagokienez, Lege honen 14.1 artikuluan agertzen diren kategorietako kontratu iraunkorra duten irakasle finkoentzat eta bertako ikertzaileentzat.

UPV/EHUko irakasleen eta ikertzaileen ordainsariei buruzko 2008ko martxoaren 4ko 41/2008 Dekretuak 3. artikuluan ezartzen ditu lan-kontratupeko irakasleen eta ikertzaileen ordainsariak, eta horien artean daude 8. artikuluan zehazten dituen ikerketa-merezimenduengatik ordainsari osagarriak.

Aipatutako 8. artikuluko horrek, hirugarren atalean, hau dio: «Unibasq-ek ikerketa-jarduera ebaluatuko du, Ikerkuntza- jardueraren Ebaluazio Batzorde Nazionalarekin, (CNEAI-rekin), batera. Batzorde hau irakasle eta ikertzaile funtzionarioen ebaluazioak egiteaz arduratzen da».

Honegatik guztiagatik, Agentziaren Gobernu Kontseiluak honako hau

#### EBAZTEN DU:

Bakarra.- EHUko lan kontratu iraunkorra duten irakasleek eta ikertzaileek egindako ikerketa-jardueraren ebaluaziorako deialdia onartzea eta argitara ematea, halaber, lan-kontratuko bitarteko irakasleek egindakoa ere, plaza iraunkorren batean aldi baterako lanean badaude eta lehiaketa prozedurara atera baino lehen. Horretarako, aintzat hartuko dira honako oinarri hauek:

#### OINARRIAK

Lehenengoa.– Xedea.

1. Deialdi honen xedea lan-kontratu iraunkorra duten Universidad del Pais Vasco/Euskal Herriko Unibertsitateko irakasle eta ikertzaileen ikerketa-jarduera ebaluatzea da, honako kategoria hauetan: Irakasle Oso, Irakasle Agregatu, Irakasle Lankide iraunkor, kontratu iraunkorra duten Doktore Ikertzaile eta kontratu iraunkorra duten Ikerketa Irakasleek. Halaber, lan-kontratuko bitarteko irakasleena ere, plaza iraunkorren batean aldi baterako lanean badaude eta lehiaketa prozedurara atera baino lehen.

UPV/EHUrekin 2018ko abenduaren 31an aurrez adierazitako kategorien batean kontratua daukaten pertsonak soilik izango dute ebaluazio hau eskatzeko eskubidea. Ezagutzaren transferentzia tarte bat ebaluatzeko bada, eta 2018ko proiektu pilotua denez, interesdunek sei urteko tarte bakar bat eskatu dezakete.

Bigarrena.- Ebaluazio eskaera egiteko bete behar diren baldintzak.

Aipatutako irakasle edo ikertzaileak jarraian aipatzen diren egoeretako batean aurkitu beharko dira:

- a) Azken tartea positiboki ebaluatua izatea, baina tarte hau 2012ko abenduaren 31an edo aurreko urteetan balioa galdu izana.
- b) Aurretik inoiz aurkeztu ez izana eta 2018ko abenduaren 31an ebaluagarri diren gutxienezko 6 urteak izatea.

c) Azken ebaluazio tarte arrunta onartu ez zaienei 2015eko abenduaren 31an edo aurreko deialdietan eskatu bada. Egoera honetan aurkitzen diren eskatzaileek 6 urteko ebaluazio tarte berri bat egin ahal izango dute aurkeztutako, eta negatiboki ebaluatutako, azken tartearen urte batzuekin eta, gutxienez, tarte horren geroko 3 urterekin. Batera bi tarte edo gehiago aurkeztuz gero eta aurkako ebaluazioa jasoz gero, seiurtekoa eskatzeko tarte berria bakarrik azken ikerketa tartearen urteekin egin daiteke.

d) Ezagutzaren transferentziarako (proiektu pilotua) tarte bat eskatzen duten aurrez aipatutako irakasleek eta ikertzaileek ikerketa tarte bat lortu izan behar dute 2018ko abenduaren 31a baino lehen.

Hirugarrena.- Eskaera aurkezteko epea.

1. Ikerketa-jardueraren ebaluazioa egiteko eskaerak aurkezteko epea deialdi hau argitara eman eta hurrengo egunetik 2019ko urtarrilaren 18ra arte izango da, urriaren 1eko 39/2015 Legearen 30. artikuluan ezarritakoaren arabera, Herri Administrazioen Administrazio Prozedura Erkidearena.

Laugarrena. Eskaeren formalizazioa.

1.- Herritarrek eskaera aurkeztu behar dute bide telematikoz, CNEAIren aplikazio informatikoaren bidez, zerbitzu publikoak bide elektronikoz eskuratzeari buruzko 2007ko ekainaren 22ko 11/2007 Legearen 27.6 artikularekin bat (ekainaren 23ko BOE), hurrengo dokumentuak Hezkuntza, Kultura eta Kirol Ministerioaren egoitza elektronikoko (<https://sede.educacion.gob.es>) «Izapideak eta Zerbitzuak» atalean “Erakundeak” azpiatalean aurki daitezke. Izapideari buruzko jarraibideak «Nola egin izapideak?» loturan daude.

2.- Behin eskaera aipatutako aplikazio informatikoan bete eta ixten denean, inprimaki bat sortuko da. Inprimaki hau eskatzaileak sinatu beharko du eta Eusko Jaurlaritzaren erregistro telematikoaren administrazio elektronikokoan ([www.euskadi.eus](http://www.euskadi.eus)) eskaera osatzeko erabili beharko du. Nahiz eta CNEAIko aplikazio informatikoan bete eta itxi, eskaera ez da baliozkoa izango egoitza elektronikokoan epe barruan eta behar bezala ez bada aurkezten.

3.- Eskaera betetzean, derrigorrez egoitza elektronikokoaren bidez egingo dena, eskatzaileek hurrengo dokumentuak erantsi beharko dituzte:

a) Eskaera-inprimakia, sinatuta.

b) Euskal Autonomia Erkidegoko Administrazioaren Tasa eta Prezio Publikoei buruzko Legearen, 95. bis eta 95. quinquies artikuluei jarraiki, tasa bat ezarriko da. Horregatik, eskaerarekin batera, legean aurreikusitako tasaren ordainketa egin izanaren ziurtagiria aurkeztu beharko da, Agentziaren web

orrialdean argitaratutako prozedurari jarraituz ([www.euskadi.eus](http://www.euskadi.eus)).

4.- Unibasq-ek, Euskal Unibertsitate Sistemaren Kalitate Agentzia, eta CNEAI-k duten lankidetzak Akordioaren arabera eskaerak Euskal Autonomi Erkidegoaren edozein hizkuntz ofizialean aurkeztu ahal izango dira.

Bostgarrena. Eskaeraren edukia.

1. Eskatzaileak honako hauek adierazi beharko ditu CENAIren aplikazio informatikoan:

- a.- Ebaluazioarako aukeratu dituen 6 urteen barne dauden eta bere iritziz aipagarrienak diren 5 ekarpen.

Eranskin honetako zazpigarren atalean aipatzen diren ebaluazio-irizpideetakoren batean sailka daitekeen edozein unitate hartzen da «ekarpenetzat». Aipatzen den ekarpen bakoitzeko hura lokalizatzeke eta identifikatzeke behar diren datuak jarri behar dira.

Ebaluatzeke eskatzen diren urteetan argitaratuta egon behar dira aurkeztutako ekarpenek. Ez dira aintzat hartuko urte horietan onartu diren, baina argitarara eman ez diren argitalpenak.

Aldizkari, liburu eta beste lan batzuetan, aukera dagoenean argitalpen digitala eta inprimatuta izateko, ekarpenak bakarrik hartuko dira argitaratutak inprimatuta daudenean, hau da, bigarren formatuan daudenean.

Aipatutako ekarpena patentea bada, ebaluatzea eskatzen diren urteetan emanda izatea beharrezkoa da. Ez dira aintzat hartuko urte horietan aurkeztu edo argitaratu diren baina urte horietan egonkortsu ez diren patenteak, eta kasuz kasu, esparru bakoitzaren irizpide espezifikoaren arabera, esplotazioan dagoena. Honez gain, patentea ematearen pdf artxiboa atxikitu beharko da.

Ikerketaren helburuak eta emaitza nabarmenenak jasotzen dituen laburpen motza (aplikazio telematikoak ezarritako gehienezko luzerarekin) gehitu behar zaio ekarpen bakoitzari. Banakako laburpenen ordez, ekarpen guztiak barne hartzen dituen laburpen bakar bat aurkez daiteke.

Era berean, eskatzaileak ikerkuntzaren kalitate-adierazgarriak erantsi behar ditu. Adierazgarri horiek hauek izan daitezke:

- Ekarpen bakoitza argitaratu den komunikabideak zientziaren arloan duen garrantzia. Arlo batean argitalpenen kalitateari buruzko nazioarteko irizpideak badaude, ezinbestekoa da irizpide horiek aipatzea.

- Eskatzailearen obrari buruz beste autore batzuek egindako aipamenak argitaratutako lanetan, ekarpenaren garrantziaren edo ekarpen horrek dagokion arloan izandako eraginaren adierazgarri direnak.

- Interesatuaren beraren balorazio laburra, obrak jakintzaren garapenari egindako ekarpenari eta ekarpen horren interesaren eta ahalmen sortzaileari buruzkoa.

- Patenteen edo baliagarritasun-modeloen ustiapenari buruzko datuak.

-Aldizkari espezializatuetako aipamenak.

Ekarpenak talde-lan baten emaitza izanez gero, egile bakoitzak bere curriculumean sar dezake ikerketa hori. Nolanahi ere, dagokion laburpenean espresuki aipatu behar du egileak talde-lanari egindako ekarpen pertsonala.

b.- Eskatzaile bakoitzak beste bi ordezeko ekarpen aurkeztu ahal izango ditu, erreferentzia egoki eta ondo identifikatutakoak, hasieran aurkeztutako beste bi ordezka ditzaketenak behar den gutxienezko puntuaziora heltzeko nahiko kalitatea ez badute.

c.- Curriculum vitae osoa. Curriculum osatzean eredu honi jarraitu behar zaio:

- Historia zientifikoa.
- Finantzatutako ikerketa-proiektuetan izandako parte-hartzea.
- Argitalpenak.
- Nazioarteko ospe handiko ikerketa-zentroetako egonaldiak.
- Kongresuetan gonbidapenez aurkeztutako komunikazioak eta ponentziak, eta antolatutako kongresuak.

Curriculum vitae a ikerketa, garapen eta berrikuntza jarduerak baino ez aipatzea gomendatzen da. Era berean, DOI (digital object identifier) duten argitalpenen informazioa ematea gomendatzen da. Honez gain, curriculum vitae CVN formatu normalizatuan aurkeztea gomendatzen da

d.- Ebaluatzea eskatzen den denboraldiko jatorrizko zerbitzu-orri eguneratua, non eskatzailearen denboraldi horretako arduraldi-erregimena adierazten den.

e.- Ikerketa zerbitzu-orrian jasota ez dagoen zentro batean egin bada, kontratuen, izendapenen, bekadun-kredentzialen edo antzeko beste dokumentu batzuen kopia soila gehitu behar dira. Bertan kontratu edo beka epea eta arduraldi-erregimena adierazi behar dira. Edozein kasutan ere, beti goimailako zentroa edo bere jarduera nagusia eta arrunta ikerketa dela izan behar da.

2.- Administrazio-prozeduraren edozein unetan CNEAI-k eskaerarekin batera aurkeztutako fitxategi elektronikoaren jatorrizko dokumentuak eska ditzake, haien baliotasuna eta bat-etortzea egiaztatzeko.

3.- Eskaerarekin batera aurkeztutako fitxategi elektronikoak sortzeko jatorrizko dokumentuak aldatzen dituztenen aurka legearen bidez jarduteko eskubidea du Unibasq-ek.

4.- Interesdunek [soporte.sede@mecd.es](mailto:soporte.sede@mecd.es) helbidera jo dezakete CNEAI-ren aplikazio informatikoari buruzko galderak egiteko, astelehenetik ostegunera, 9:00etatik 18:00etara; eta ostiraletan, 8:30etatik 15:30etara.

5.- Interesdunek deialdi honekin edozein kontsulta, CNEAI-ren aplikazio informatikoarekin lotuta ez dagoena egiteko, Unibasq-era jo dezakezue.

6.- Unibasq-ek eskatzaileari edozein momentuan dokumentazioa eskatu diezaioke alegatutako

merezimenduak eta eskatutako legalki bete behar diren baldintzak egiaztatzeko.

Seigarrena. Ebaluazio irizpideak.

1. Ebaluazio-esparru bakoitzerako berariazko irizpideak ezartzen dituen Ikerkuntza- jardueraren Ebaluazio Batzorde Nazionalaren Batzordeburuaren ebazpenean irakasle funtzionarioei aplikatzen diren ebaluazio-irizpide berak izango dira aplikagarri eta Hezkuntza, Kultura eta Kirol Ministerioaren egoitza elektronikoa aurki daitekeena.

2. Aipatutako ebazpenean 1994ko abenduaren 2ko Aginduaren 7. artikuluan eta Unibertsitate eta Ikerketako Estatu Idazkaritzaren 1994ko abenduaren 5eko Ebazpenaren 7. artikuluan ezarritako irizpide orokorrekin jarraituko zaie ebaluazioan. Aipatutako irizpide orokorrak ezarritako irizpide zehatzekin osatuko dira, ebaluazio arlo bakoitzarako, 2018ko azaroaren 14ko ebazpenean agertzen direnak, Ikerketa Lana Ebaluatzeko Estatu Batzordeburuarena, zeinaren bidez onartutako ebaluazio arlo bakoitzaren irizpide zehatzak argitaratu ematen diren.

3. Inprimakiak eta eranskinak bide telematikoz bete eta bidaltzeko honako helbide elektronikoa [www.educacion.gob.es/cneai](http://www.educacion.gob.es/cneai) edo Hezkuntza, Kultura eta Kirol Ministerioaren egoitza elektronikoko (<https://sede.educacion.gob.es>) «Izapideak eta Zerbitzuak» atalean aurki daitezke, baita ebaluazio-irizpideak ezartzen dituen ebazpena ere. Halaber eskaera-izapideen segimendua helbide berean egin daiteke.

Zazpigarrena. Prozedura bideratzea.

1. CNEAI-ri dagokio ikerketa-jarduera ebaluatzeko prozedura bideratzea.

2. Bere eginkizuna egiteko, aholku eskatuko dio CNEAI-k zientzia-komunitateari, eta jakintza-alorkako Aholku Batzordeen bidez egituratuko da aholkularitza. Aholku Batzordeen zerrenda argitaratu egingo da.

3. Eskaerarekin batera aurkeztutako dokumentuak soilik hartuko dira kontuan prozesuan. Hori dela eta, entzunaldi-izapidea bazter utziko da urriaren 1eko 39/2015 Legearen, Herri Administrazioen Administrazio Prozedura Erkidegoaren Legearen, 82.4 artikuluan ezarritakoarekin bat.

Zortzigarrena. Ebaluazio-prozedura.

1. Eskatzaileak curriculum vitae laburtuan gehitutako lanari buruzko iritzi teknikoa emango dute kontsultatutako Aholku Batzordeek eta, hala badagokio, baita adituek ere, curriculum vitae osoan zehaztutako testuinguruaren barruan.

2. Dagokion Aholku Batzordeak edo CNEAI-ko Batzordeburuak izendatutako adituek egoki baderituzte, eskatzaileari, CNEAI-ko koordinatzaile orokorraren bitartez, bere CV-an aipatutako ekarpenen kopia bidaltzeko eska diezaioke.

3. Iritzi teknikoa zero eta hamar bitarteko zenbaki baten bidez adieraziko da, eta gutxienez sei puntu beharko dira ebaluazio positiboa lortzeko sei urteko tarte batean.

4. Ebaluazio bakarren kasuan (1988ko abenduaren 31 arte garatutako ikerketa-jarduera), zero eta eskatutako tarte-kopurua hamar zenbakiarekin biderkatuz ateratzen den zenbakia bitarteko zenbaki batez adieraziko da iritzi teknikoa. Kasu horretan, esleitutako puntuazio osoa zati sei eginez ateratzen

den zenbaki osoaren berdina izan behar du ebaluazio positiboa lortu duten tarteen kopuruak.

UPV/EHUko irakasleen eta ikertzaileen ordainsariei buruzko 2008ko martxoaren 4ko 41/2008 Dekretuaren hirugarren xedapen gehigarriaren arabera, «Irakaskuntza- eta ikerketa-meretzimenduengatiko osagarriaren lehenbiziko ebaluazioa. Irakaskuntza- edota ikerketa-meretzimenduengatiko ordainsari osagarria lehenengo aldiz eskatzen denean, irakaskuntza-jardueraren eta ikerketa-jardueraren ebaluazio bana eginez erabakiko da osagarria eman ala ez, osagarri-atal bat baino gehiago aitortzen bada ere; osagarriaren zenbatekoak ezin izango du 9.8 artikuluan ezarritako muga gainditu». Dena den, eskaera aurkeztean guztiz zehaztu beharko dira ebaluatzeraz aurkezten diren 6 urteko tartekak.

5. Aholku Batzordeek eta adituek emandako kalifikazioak ikusita, CNEAI-k ezarriko du behin betiko banakako ebaluazioa, eta, nolana ere, deialdi honetako seigarren atalean jasotzen diren irizpideak aplikatzea bermatuko du.

Bederatzigarrena. Ebazpena.

1. Unibasqeko zuzendariak baterako ebazpen bat jarriko du <https://www.euskadi.eus> iragarki-taula elektronikoan, emaitzak jakinarazteko. Ebazpen hori iragarki-taula elektronikoan argitaratzen den data ebazpenaren jakinarazpena komunikatzeko data formala da, xede guztietarako. Nolanahi ere, ondorengo egunetan ebazpen indibidualizatua bidaliko zaie eskatzaileei Eusko Jaurlaritzaren egoitza elektronikoaren bidez, eskaera osatu egin zen moduan.

Unibasq-ek emandako ebazpena arrazoitze nahikoa izango da Aholku Batzordeek emandako txostenak sartzea, Unibasq-ek bere egin baldin baditu. Horrela ez bada, aipatutako txosten horiekin bat ez egiteko arrazoiak gehituko dira Unibasq-en ebazpenean, bai eta ebazpenaren justifikazioa ere, adituek emandako beste txosten batzuek abalatu edo ez.

2. Ebazpenek zein tartea ebaluatu duten adierazi beharko dute, tartea positiboa edo negatiboa izan den ere eta, hortaz, txostena baiezkoa ala ezezkoa ote den. Bestalde, ebaluazioa ezezkoa bada, dagokion ebaluazio txostena erantsiko zaio.

3. Ebazpen horren aurka berraztertze errekurtsoa jarri ahal izango da, nahi izanez gero, Unibasqen aurrean, hilabeteko epean, edota, zuzenean, administrazioarekiko auzi-errekurtsoa Administrazioarekiko Auzietako Epaitegi eskudunetan, bi hilabeteko epean (bi kasuetan, ebazpen kolektiboa iragarki-taula elektronikoan jakinarazten denetik aurrera kontatzen hasita).

4. Ebazteko epea sei hilabetekoa izango da. Unibasq-ek eskaeraren ebazpena emateko eta jakinarazteko epea etetea adostu ahal izanez, Urriaren 1eko 39/2015 Herri Administrazioen Administrazio Prozedura Erkidegoaren Legearen 22d) artikulua xedatutakoaren arabera, eskaeren ebaluazioa ebazteko CNEAI-k Unibasq-era nahitaezko txostenak bidaltzea guztiz beharrezkoa den heinean.

Hamargarrena. Dokumentu-erregimena eta datu pertsonalen inguruko eskubideak.

1. Datu pertsonalak babesteari buruzko abenduaren 13ko 15/1999 Lege Organikoari jarraikiz eta Europako Parlamentuaren eta Kontseiluaren 2016/679 Erregelamendua, 2016ko apirilaren 27koa (RGPD), interesdunek emandako datuak Unibasq Agentziaren titulartasunpeko fitxategi automatizatu

personal batean sartuta geratu ahal izango dira, Agentziak deitutako beste prozesu batzuk garatzeko, betiere interesdunak prozesu horietan parte hartzen badu.

2. Eskatzaileak datuak eskuratzeko, zuzentzeko, ezerezteko eta aurkaratzeko eskubidea baliatu ahal izango du, eta, horretarako, idatzi bat helarazi beharko dio Unibasq Agentziari (San Prudentzio kalea 8, 01005 Vitoria-Gasteiz).

Hamaikagarrena. Errekurtsoak

1. Deialdi hau eta haren oinarriak behin betikoak dira administrazio-bidean, eta, haien aurka, interesdunek administrazioarekiko auzi-errekurtsoa aurkeztu ahal izango diete Euskal Autonomia Erkidegoko administrazioarekiko auzien jurisdikzio-organismoek, bi hilabeteko epean, deialdia Euskal Herriko Agintaritzaren Aldizkarian argitaratu eta hurrengo egunetik hasita, hala ezarrita baitago Herri Administrazioen Araubide Juridikoaren eta Administrazio Prozedura Erkidearen urriaren 1eko 39/2015 Legearen 114. artikuluan eta Administrazioarekiko Auzien Jurisdikzioa arautzen duen uztailaren 13ko 29/1998 Legearen 14. eta 46. artikuluetan. Halaber, nahi izanez gero, berraztertze errekurtsoa jarri ahal izango diote Agentziari, hilabeteko epean, adierazitako 39/2015 Legearen 123. eta 124. artikuluei jarraikiz.

Vitoria-Gasteiz, 2018ko abenduaren 10a.

Unibasq-eko Gobernu Kontseiluaren Presidentea

CRISTINA URIARTE TOLEDO